

卷十三

雜稽志

災祥

變亂附

重修臨潁縣志

重修臨潁縣志卷十三

邑令 陳俊册襄 重修

陳垣 東園

楊酉桂 光辰

雜稽志 災祥 變亂 附兵戈志

增 體國經野不言瑣屑之事或以無關政治歟然天象昭回物

產怪異無非示人以謹修省弭災疹者也至幽人之芳躅名賢

之邱隴有令人瞻仰焉而感慨興起者不得謂非風教之助矣

惟夫崇殿閣飾金碧奉虛無寂滅之教此何與於人治先儒闢

以彌近理而大亂其信已但流俗相沿偏天下皆是志難稽
畧而弗誌者亦史家實錄之例也舊志載焉今仍之

災祥

變亂附

順治志春秋言事變不言徵應蓋欲人謹修人事以回天道耳則
災祥之生皆其天心仁愛垂示警戒是故太上修德其次修政其
次修職其次修身桑穀枯死熒惑退舍其所感者微也災祥顧可
忽乎志災祥

西漢

宣帝神爵十二年臨潁大水傷稼

東漢

明帝永平元年臨潁潁陰二縣螟大生 十五年蝗

章帝建初四年潁陰隕石大如鐵鑕有聲如雷

安帝延光二年三月臨潁大風拔樹

順帝永建四年臨潁潁陰淫雨害稼

愍帝建安二十七年秋七月潁水溢

景初元年臨潁淫雨水溢溺死人畜

晉

武帝咸甯四年螟

惠帝元康中繁昌縣受禪碑中生金別去復生

五年臨潁繁昌大水 九年三月隕霜傷麥

永寧元年齊王冏起兵討趙倫軍中有小兒出繁昌八歲髮體悉
白能卜

隋

文帝開皇十二年六月繁昌縣民楊悅見雲中二物如羝羊黃色
大如犬鬪而墜獲其一數旬失所在

煬帝大業四年潁水溢

唐

順帝永貞元年臨潁旱 八年大水溺殺人畜

十二年大水害稼

憲宗元和十一年饑

穆宗長慶二年大水害稼

文宗永和元年縣境野蠶生桑土成繭縑絲可織絹紬

開成五年夏蝗害稼

武宗會昌中大水害稼

後周

太祖廣順三年六月臨潁暨河南北諸州郡旬日無鳥旣而聚於澤潞山谷中壓樹枝皆折

宋

開寶二年水害秋苗

淳化元年春大旱 三年蝗

仁宗天聖五年三月大水

英宗治平元年大水

元

世祖至元四年夏淫水麥禾不登 十九年大蝗食禾稼草木俱
盡饑民捕以爲食人相食

成宗大德元年三月河水大溢漂沒廬舍

順帝至正四年六月大水害稼人相食

明

成化九年瑞麥生 十九年地震 二十年大饑人相食

弘治二年春產白鳥於學宮 夏麥秀兩歧穀有三四穗者

冬大雪 六年夏六月大旱 秋八月大水 冬大雪平地深三

四尺民多凍死 十一年夏四月雨雹十二年產靈芝 十四年
大風拔木龍見縣治西監生尙璽家樓房數間一時撼倒

正德三年大饑 四年產靈芝於學宮 六年夏六月大雨頽河

決 七年訛言黑晝夜過 蝗 十三年夏五月雨雹禾稼俱損

行人不及避者輒爲所殺十四年地震

嘉靖二年淫雨百日 三年元日地震邑內外屋舍皆動搖有聲

半月方止 五年雨雹大如牛頭 七年夏大旱 冬大饑人相食 八年春正月白氣貫河漢 六月蝗飛蔽天 十七年十八年大饑積尸如疊 三十一年流賊李邦珍掠縣北境 隆慶四年淫雨四十餘日

萬曆九年蝗 十二年十三年秋旱 十四年春夏旱 十六年大疫 十八年清明日申時黑風從西北來兵刃起火光行人惛迷墮坑塹有死者及夜迺霽 二十一年大饑人相食 三十一年大水淹沒禾稼 三十四年大旱 四十年六月大水

四十四年蝗飛蔽天 四十五年旱晚禾盡枯 六月蝗

天啓七年丁卯八月飛蝗蔽天

崇禎五年壬申六月縣西繁城暴風雨晝晦監生杜逢昇樓房數十間磚瓦飛崩擊死男女五人 又至秋六月二十一日洪水泛

漲湮沒廬舍無數是冬大饑土寇竊發 六年癸酉蝗秋九月沙

雞至形如鴿蹄如兔俗呼反雞 七年甲戌正月夜火光遍野如

炬卽之漸遠四境皆然 八月旱蝗 十年丁丑六月有星形如

碗自西北流於東南赤焰竟天 十三年庚辰春 大旱秋蝗

八月二十一日雨雪 十月大饑人相食布帛衣服器皿每件不值百錢 十四年辛巳春正月斗米錢二千麥錢一千八百人相食 四月大疫 七月蝗 十六年癸未三月朔日殞霜殺麥 十七年四月旱 五六月穀禾皆枯七月初三日乃雨蕎麥種每一升價至千錢大饑人掘田鼠穴糧而食蓬蒿彌野人爭埽其子爲糧

本朝

順治四年丁亥五月二十三日縣東雨雹大如雞卵歷酉戌二時

落地半尺厚樹枝折禽獸皆死

八年辛卯五月靈芝產於生員穆天範地中城西白鵲見是月大水鍋壅口決秋禾淹沒

十三年丙申六月蝗

十四年六月鍋壅口水決

十五年戊戌五月初四日霪雨至九月高下俱滄

十六年己亥三月雨冰米價騰湧 五月大雨四十餘日二麥糜

爛殆盡 七月十六日戌時天鼓鳴火光亘天自東南至西北

十月三十日戌時天鼓鳴火光竟天 十二月十二日戌時大雷
電

康熙十二年秋大水饑 十八年歲大有 二十三年秋歲大有

一禾三穗 三十五年六月水 四十二年四月六月七月水冬

大饑 四十七年夏旱 四十八年四月大水饑 五十四年城

中火自西街迄南延燒房屋數百間 五十九年六月至八月不

雨冬大饑 六十一年夏旱潁水決數處田多藉以灌溉

雍正元年四月雨雹夏疫 三年七月潁水決田禾淹歲饑 八

年秋大水冬大饑

乾隆四年大水饑

七年夏五月雨旬餘不止

雖未成災而鄰境歉收冬春之交米

價騰起窮民乏食知縣劉沉設廠賑粥兩月就食者千餘人

八年歲稔

九年歲大稔

二十

二年秋大水

三十年正月十六日天雨黑豆蕎麥二月初六日

雨粟

五十年自春正月不雨至秋七月雨

五十一年春大饑

人相食夏大疫秋大蝗

五十三年夏四月大雨雹

五十四年

正月大雪有雷聲

六十年十二月大雨有雷聲

嘉慶元年秋七月蝗

五年夏陡門口決

六年十二月二十六

日地震十八年大旱秋九月十九日隕霜蕎麥盡傷先是連歲旱
麥禾歉收至是大饑斗麥千錢餓死逃亡無數 十九年麥大熱
二十三年秋孟家口決 二十五年夏六月二十五日夜地震
如雷

道光元年時疫大行 六年春旱麥不穗市皆無糧三月二十三
日忽黃風大作自北而南白晝如昏及次日麥穗盡出市糧不期
而集者無數旱不爲災 七年秋大水 十一年冬大雪平地深
三四尺柿榴桐棟及竹多凍死 十六年七月蝗穀多傷 十七

年四月初六日地震初八日又震 二十三年水 二十七年旱
歲歉民艱食

咸豐六年蝗 七年十二月晦日八年正月元旦夜村外火光甚
多如萬燈羅列有數燈合爲一燈有一燈散爲數燈者人追之則
漸遠不追則漸近人心驚惶訛言屢起 十年冬大雪平地深二
三尺貧民有凍死者樹生木介者四次十一年正月樹生木介者
三次五月長星見東西竟天

同治三年薛口渚河溢禾被淹沒 六年秋渚河決七年四月雨

雹秋大水 十年水秋禾被淹

光緒元年正月元旦大風揚沙微雪前此正旦皆早起具衣冠拜

賀新歲互相往來自是年後頓減 三年大旱蝗秋無禾大饑餓

死逃亡道殣相望

是年二月三月間每早晚早歷見到處放光如燒火藥追之不見時有聚眾為盜舉火為號者而

歷火徧地人疑為皆盜火也不敢安處徹夜梭巡礮聲相接四境不斷而月乃止

四年春無麥秋大熟

五年春三月十六日大風十七日微雨十八日迅雷烈風大雨冰

樹木皆折榆柳尤甚平地冰約尺許麥莖皆殭拂之輒碎時大侵

後人人皆恐然是年麥竟大熟 五月地震 九年六月雨雹

十年十月二十一日夜羣星西流約兩時始定 十三年秋八月

十三日黃河決二十四日晡時鄉里訛言黃水至男女亂逃詰朝

始定自北而南一時數百里皆然十八年蝗 二十年大水

口陸門
決

二十四年大水 二十五年旱城東北紙房村火延燒七十餘家

三日乃止二十六年旱七月蝗大饑 時水旱連年皆搬運東南

潁州一帶糧食大小車輛晝夜如蟻穀價初不甚昂但比歲歉收

十室九空典鬻田產衣物無售者凡物值千錢者莫能易百錢餓

死逃亡傾家蕩產者不可勝計

二十七年正月十九日大風晝晦屋瓦皆震草房掀翻者無數二月十四二十四日大風晝晦亦如之 自去年夏至是年鄉間兒童類能降神如巫者狀欲降卽降無論何地何時但立定望東南一揖輒仆仆而輒起便粧腔作勢自稱關帝然其詞率猥鄙不堪聽人從旁呼其名卽醒如故亦怪事也

二十八年飛蝗過境

三十年城東北赤鯉岡火延燒數十家

三十二年夏大水 三十三年麥稔

宣統元年春旱秋七月十六日淫雨至九月下地禾皆被淹麥不能及時播種

三年春淫雨傷麥 自去冬大雪入春來連月陰雨一暴十寒麥禾幽囚及熟率穰秕霉壞

民國元年秋大旱饑

二年春無麥 秋稔 八月旱早麥種十之一 十月雨晚麥半種

三年四月下旬連日大風晚麥皆枯死早麥頗稔是年麥略有一

二分 秋熟

自元年以來比歲歉收物價翔貴麥斗錢一千六七百文穀斗錢八百上下米斗錢一千一百上凡牛馬牲畜一切服食器用之物皆極昂貴加以土匪劫掠民不聊生

民國元年二年三年夏皆有蝗 其蝗生處多寡不等率止其處不甚遷移或十里八里有之或三里二里有之或比鄰之地此有彼無非若咸豐末年之蝗飛則蔽天止則蓋地所過草根皆盡故雖害稼不甚爲災持有幸有不幸耳

變亂

明崇禎十三年秋盜起

時有袁老山一條龍等自襄穎界擁衆殺掠所過村落爲墟至十月攻臨潁知縣倫之楷率生姚允祥等分堞守禦伺賊怠潛令千總杜良棟等開門掩擊之賊遂潰城賴以全

十四年七月土賊竊發知縣倫之楷擊敗之

土寇吳來慶吳自蘭潛謀破城事覺捕之遂舉兵四掠姚允祥等急請於之楷命捕官張光裕千總杜良棟率鄉兵追至黃連

城擊殺賊二百餘人餘黨潰散

十二月二十八日總兵左良玉以兵屠城

時潁無正印署篆雷老贖不能備禦闖賊遣僞吏竊據之衆驚惶逃避有不及逃者而良玉擁兵南來突至城下衆疑以爲他盜城上砲擊其裨將二人良玉大怒遂攻城旣而知爲良玉衆執僞吏送良玉斬之而良玉猶憤不息縱兵殺戮幾無子遺自古屠戮之苦未有甚於此者潁民何辜慘哉

十五年土賊王對樓等復寇縣境署縣事許允芳謀於生員姚允

祥協力勦除之

清順治二年秋七月軍門羅公率兵過臨潁赴西平擒劉洪起斬之
其地悉定

時劉洪起猶據西平未下故羅公率兵討平之

咸豐三年六月髮匪過縣境城陷

賊自北來六月初三日圍許州攻之不下南竄至縣城傾圮不
可守令先走民遂逃潰

九年十月皖匪擾縣境民皆築寨避亂

十年三月皖匪擾境 十一年皖匪擾境

同治元年四月八月皖匪擾境

二年秋八月皖匪破瓦店南江楊裴城石佛等四寨自咸豐九年
後皖匪擾境歲輒兩三次燒燬房屋殺擄人民蹂躪禾稼搶掠
財物已苦不可言然尙無破寨者自是年八月秋雨連綿寨牆
圯壞賊乘勢連破瓦店等寨男女被殺及投水死者數萬口甚
有全家被害無噍類者嗚呼慘哉

三年四年五年皖匪連年擾境 六年平

中華民國元二三年土匪劫掠知事陳俊督隊勦除之

三年秋平

元年勦匪紀略

紂城寨外少楊莊

生擒王海成等七名
斃匪劉玉山等七名

木掀王寨外

生擒宋朝旺一
名斃匪一名

孫朱村

生擒宋玉如等四名斃賊目趙興等六名
陣亡兵勇張清林孫玉林韓鳳美三名

柏塚寨外

傷匪
五名

承差店

傷匪
二名

陽塢廟 傷匪二名

呂集 傷匪五名
斃匪三名

二年勦匪紀略

米灣 傷匪一名斃匪三名受
傷兵勇李永臣一名

杓王村 傷匪三名

夏莊 傷匪二名
斃匪四名

郭集 生擒范海等三
名斃匪二名

大范村 生擒范麥生等五名傷匪二名斃
匪五名受傷兵勇雷得勝一名

大王莊

傷匪十二名
斃匪七名
受傷兵勇雷得勝一名

黃連城

傷匪一名
斃匪五名

玉皇廟

傷匪五名

王岡寨外

斃匪四名

小王莊

傷匪四名

小陳莊

生擒王西平等四名
傷匪三名
斃匪五名

薛莊

斃匪一名

固廂寨

生擒高亮媼等八名
傷匪一名
斃匪三名

袁莊

名生擒賊目袁西傳等五
名傷匪一名斃匪二名

影臺寺

傷匪一名斃匪一名
生擒徐喜成等二名

繁城寨外

傷匪五名
斃匪五名

司馬營寨外

傷匪四名
斃匪八名

石橋李村

傷匪二名
斃匪一名

柿園王村

名生擒時銀岡一
名斃匪一名

王孟村

傷匪三名
斃匪五名

申莊

傷匪一名
斃匪四名

大楊村

傷匪一名
斃匪三名

賈莊

傷匪一名
斃匪三名

三年勦匪紀略

潘牛村

傷匪二十五名
斃匪十二名
陣亡兵勇
賈堂等九名
受傷張功顯等六名

七里倉

由臨境小庄追至西華境
生擒賊目賈西坤
等三名
斃匪目呂老八一名
匪黨三十二名

大石橋

斃匪三名

望田鎮

由臨境石橋李追至鄆境
擒賈保聚等三名
斃匪目牛根一名
王蓋忠等十名
陣亡兵勇王得勝一名
受傷田雲蘭一名

墳台李村

由窩城追至生擒賊目馬羣等四名
斃匪王海等五名
受傷兵勇韓占標一名

大石橋 由孟堂村追至生擒李魁章等三名斃匪三名

大于莊 傷匪十名斃匪八名受傷社長秦文煥一名
社勇李心合一名陣亡耶鳳山等三名

白橋 由襄城紙房村追至生擒趙畏
等二名傷匪一名斃匪十三名

墳台李村 斃賊日楊土銀一名匪黨三名
名受傷兵勇劉義吉一名

辛莊 生擒張真寶一名斃匪一名

孫耿寨 由臨境赤鯉岡追至鄆境傷匪二名斃匪十五名陣
亡社長秦文煥一名社勇二名受傷秦貫三等六名

大楊莊 生擒楊五等二名斃匪一名

扁担黃村 陣亡兵勇胡木生一名受傷
徐得勝吳志奇郭長興三名

初縣西南北許襄舞葉之界久爲盜藪自宣統三年武漢事起
兵衅旣開強者響應點者揭竿豫當南北之衝瀕臨鐵道往來
逃兵齎以快砲給以子彈此賊氣之所由熾也入民國來遂蔓
延境內放火劫掠架人勒贖無日蔑有有觸怒者輒肆屠戮如
駝灣舖傷人百餘口兼毀房屋宋小莊傷人無多房屋焚燒殆
盡其他蹂躪村坊攻掠寨堡不可勝計當是時四境騷然人民
逃竄日夜愴惶不敢安處縣長陳公冊襄蒿目時艱心焉傷之
躬督警兵社勇親往勦除計三年內出兵五十餘次兵勇陣亡

者二十名受傷者二十三名生擒匪人及擊斃者四百餘名其負傷而逃者無數噫烈英哉回思咸同年間之亂髮匪志在僭逆一過縣境尙不擾民捻匪數年擾境其來有時非若此匪就地發生飄忽無定或三五成羣或數十結黨擊之則散緩之則聚尋其踪跡或敢故爲窩藏焚其巢穴又恐濫及無辜故土匪之難勦更甚於髮捻也自非縣長智勇兼備勦撫有方穎之塗炭其有極乎昔東漢之初潁川盜起帝謂寇恂曰潁川迫近京師當以時定惟念卿能平之耳恂至盜果悉降今觀陳公三年

戎馬卒殲渠賊以今方古有其過之無不及焉或曰匪橫若此而不書名何也曰不足書也傳云或欲蓋而彌彰或求名而不得此輩嘯聚荏澤竊弄黃池故以土匪概之亦春秋書盜之例也

附豐氏兵戈志

豐林曰天下之治聖君化育於其上賢臣輔導於其下積一十百年之久民氣完足雖遇水旱無害也天下之亂亦非一遲朝一夕之故其始不遠而一政令之或失久而上下相激奸人逞志於其間四海鼎沸而不聞及至瓦解土崩下方塗炭乃

但付之曰天命豈不悲哉稽其致亂之由一吾顯聖明在其上但戰武將收其功而不悲哉又不可與圖治也吾顯聖明在其上

自宰相至於謀官至於牧令必慎選
讀書人此數人者繫天下安危者也

湯伐昆吾

竹書紀年帝癸一名桀二十八年昆吾氏伐商三十年商師征昆
吾三十一年克昆吾

史記殷本紀當是時夏桀為虐政荒淫而諸侯昆吾氏為亂湯乃
興師率諸侯伊尹從湯湯自把鉞以伐昆吾

魯會齊侯鄭伯伐許

春秋左傳隱公十一年秋七月壬午公及齊侯鄭伯入許
秋七月齊會

自侯下鄭射之伐頰瑕叔辰盈傳又以許裔穎弧者登周麾而呼之曰旗潛登弧矣以鄭師畢登都

君討之遂許人既許伏許其罪公奔難衛有齊君侯以許人讓公弗敢與聞乃與鄭不共鄭故伯從

許使君而假手於我寡許人寡以人居唯許是一偏二曰父兄禍不能國鬼神實不逞許於

許自乎爲功乎寡人許有弟以不能柔和此協而使吾將其口獲於四方吾子若能寡人有

國得之沒於地又其以禮悔禍於能降以相茲許也無滋他族實僞處此鄭

寡以與之使吾國子處此土也唯許子孫之爲亦聊之不固吾國也乃禪祀許乎

新獲邑於此西偏曰凡而器用財之賄子孫日失其序夫許亟去之吾胤先也君

禮天而既國家定社稷矣序人民利後嗣者乎也許無刑而莊公於是服而舍之禮

度德而處之量力而行之相時而動無累後人可謂知禮矣

楚子師於狼淵

春秋左傳文公九年三月范山

楚大夫

言於楚子曰晉君少不在諸

侯北方可圖也楚子師於狼淵以伐鄭

陳師狼淵為伐鄭援也
穎川穎陰縣西有狼渡

晉伐鄭楚師夾穎而軍

左傳襄公十年楚子囊救鄭十一月諸侯之師還鄭而南至於陽

陵

還稅也陽陵鄭地

楚師不退知武子欲退曰今我逃楚楚必驕驕則可

與戰矣

武子

欒黶曰逃楚晉之恥也合諸侯以益恥不如死我將

獨進師遂進己亥與楚師夾潁而軍子蟜曰諸侯既有成行必不
戰矣從之將退不從亦退退楚必圍我猶將退也不如從楚亦以
退之宵涉潁與楚人盟晉夜渡知之欒黶欲伐鄭師伐者荀罃不可曰
我實不能禦楚又不能庇鄭鄭何罪不如致怨焉而還今伐其師
楚必救之戰而不克爲諸侯笑克不可命不如還也丁未諸侯之
師還侵鄭北鄙而歸楚人亦還

盟於臯鼬

春秋左傳定公四年五月公及諸侯盟於臯鼬春三月劉文公合諸

侯於召陵謀伐楚也及臯鼬將長蔡於衛

通鑑綱目周敬王十有四年劉子晉侯宋公魯侯蔡侯衛侯陳子

鄭伯許男莒子曹伯邾子頓子胡子滕子薛伯杞伯小邾子齊國

夏會於召陵侵楚初蔡侯如楚令尹囊瓦三年止之及歸遂如晉

請伐楚於是劉子合諸侯於召陵謀楚伐晉荀寅求貨於蔡侯弗

得言於范鞅曰國家方危諸侯方貳將以襲敵不亦難乎吾自方

城以來靈王十五年晉楚未可以得志祇取勤焉乃辭蔡侯晉人

施於鄭鄭人與之明日或盟於臯鼬今河南許州臨潁縣有將長

蔡於衛劉以衛祝佗

子衛人說

言與范鞅謀之長衛侯

韓趙伐魏戰於濁澤

史記魏世家武侯卒子罃立是爲惠王惠王元年初武侯卒也子罃與公中綏爭爲太子公孫頥自宋入趙自趙入韓謂韓懿侯曰魏罃與公中綏爭爲太子君亦聞之乎今魏罃得王錯挾上黨固半國也因而除之破魏必矣不可失也懿侯說乃與趙成侯合軍并兵以伐魏戰於濁澤魏氏大敗魏氏君爲虜趙謂韓曰除魏君立公中綏割地而退我且利韓曰不可殺魏君人必曰暴割地而

退人必曰貪不如兩分之魏分爲兩不彊於宋衛則我終無魏之患矣趙不聽韓不說以其少卒夜去惠王之所以身不死國不分者二家謀不和也若從一家之謀則魏必分矣故曰君終無適子其國可破也

走犀首岸門

史記魏世家哀王五年秦使樗里子伐取我曲沃走犀首岸門

解集

徐廣曰額陰有岸亭索隱犀首官名卽公孫衍正義括地志岸門在許州長社驪西北十八里今名西武亭

秦滅韓盡入其地

史記韓世家王安五年秦攻韓韓急使韓非使秦秦留非因殺之
九年秦虜王安盡入其地爲潁川郡韓遂亡

史記秦始皇本紀十七年內史騰攻韓得韓王安盡納其地以其
地爲郡命曰潁川

沛公下潁陽

史記高祖本紀楚懷王令沛公西略地入關南攻潁陽屠之因張
良遂略韓地輾輾絕河津

文穎曰河南新鄭南至潁川南北皆韓地也以良累世相韓故因

之

潁川鐵官徒爲亂

漢書成帝紀陽朔三年夏六月潁川鐵官徒申屠聖等百八十人

殺長吏盜庫兵自稱將軍經歷九郡遣丞相長史御史中丞逐捕

以軍興從事皆伏辜

師古曰逐捕之事須有發興皆依軍法

光武破昆陽徇下潁陽

漢書光武帝紀更始二年三月光武別與諸將徇昆陽定陵鄧郟皆

下之多得牛馬財物穀數十萬斛轉以饋宛下莽聞漢帝立大懼

遣大司徒王尋大司空王邑將兵百萬其甲士四十二萬人五月
到川復與嚴尤陳茂合初王莽徵天下能爲兵法者六十三家
數百人並以爲軍吏選練武衛招募猛士旌旗輜重千里不絕時
有長人巨無霸長一丈大十圍以爲壘尉又驅諸猛獸虎豹犀象
之屬以助威武自秦漢出師之盛未嘗有也光武徼之於陽關諸
將見尋邑兵盛皆返馳入昆陽皆惶怖憂念妻孥欲散歸光武議
曰今兵穀少而外寇強大并力禦之功庶可立如欲分散勢無俱
全且宛城未拔

謂伯升圍宛未拔也

不能相救昆陽卽破卽一日之間諸部

亦滅矣會候騎還言大兵且至城北軍陳數百里不見其後諸將
遽相謂曰請劉將軍計之光武復爲圖畫成敗諸將憂迫皆曰諾
時城中唯有八九千人光武乃使成國上公王鳳廷尉大將軍王
常留守夜自與驃騎大將軍宗佻五威將軍李軼等十三騎出城
南門於外收兵時莽軍到城下者且十萬光武幾不得出既至郾
定陵悉發諸營兵王邑將百萬之衆圍昆陽數十重列營百數雲
車十餘丈瞰臨城中埃塵連天鉦鼓之聲聞數百里夜有流星墜
營中晝有雲如壞山當營而殞不及地而散六月己卯光武將步

騎千餘去大軍四五里而陳尋邑亦遣兵千數合戰光武奔之斬首數十級諸部喜曰劉將軍平生見小敵怯今見大敵勇甚可怪也且復居前請助劉將軍光武復進尋邑兵却乘之斬首數百千級連勝遂前諸將既經累捷膽氣益壯無不以一當百光武乃與敢死者三千人從城西水上衝其中堅尋邑陣亂乘銳崩之遂殺王尋城中亦鼓譟而出中外合勢震呼動天地莽兵大潰走者相騰踐奔殪百餘里間會大風雨屋瓦皆飛雨下如注淄川盛溢虎豹皆股戰士卒爭赴溺死者以萬數水爲不流王邑嚴尤陳茂輕

騎乘死人度水逃去盡獲其軍實輜重車甲珍寶不可勝算舉之數月不盡或燔燒其餘光武因復徇下潁陽

劉茂起兵略下潁川

漢書岑彭傳更始遣立威王張卬與將軍徭偉鎮淮陽偉反擊走卬彭引兵攻偉破之遷潁川太守會春陵劉茂起兵略下潁川彭不得之官

潁川嚴終等爲寇

漢書寇恂傳建武二年潁川人嚴終趙敦聚衆萬餘與密人賈期

連兵爲寇復拜恂潁川太守與破姦將軍侯進俱擊之數月斬期首郡中悉平定

光武帝自征潁川

漢書帝紀建武八年閏月潁川盜賊寇沒屬縣河東守守兵亦叛京師騷動八月帝自上邽晨夜東馳九月庚申帝自征潁川盜賊皆降

漢書寇恂傳建武八年恂代朱浮爲執金吾明年從車駕擊隗囂而潁川盜賊羣起帝乃引軍還謂恂曰潁川追近京師當以時定

惟念獨卿能平之耳從九卿復出以憂國可知也恂對曰潁川剽輕聞陛下遠逾阻險有事隴蜀故狂狡乘間相誑誤耳如聞乘輿南向賊必惶怖歸死臣願執銳前驅卽日車駕南征恂從至潁川盜賊悉降而竟不拜郡百姓遮道曰願從陛下復借寇君一年乃留恂長社鎮撫吏人受納餘降

詔遣左右中郎將皇甫嵩朱儁討潁川黃巾

漢書靈帝紀中平元年春二月鉅鹿人張角自稱黃天其部師有三十六萬皆著黃巾同日反叛三月壬子大赦天下黨人還諸徒

者唯張角不赦詔遣北中郎將盧植討張角左中郎將皇甫嵩右中郎將朱儁討潁川黃巾

李傕等略潁川諸縣

魏志董卓傳初卓壻中郎將牛輔典兵別屯陝分遣校尉李傕郭汜張濟略陳留潁川諸縣

降賊劉辟略許下

魏志建安五年汝南降賊劉辟等叛應袁紹略許下紹使劉備助

辟曹仁擊走之

蜀志曹操與袁紹相拒於官渡汝南黃巾劉辟等略許下關羽亡
歸先主曹操遣曹仁將兵擊先主先主引還紹軍

齊王問擊破張泓等軍

晉書惠帝紀永甯元年春正月趙王倫篡帝位遷帝於金墉城號
曰太上皇三月平東將軍齊王問起兵以討倫傳檄州郡屯於陽
翟征北大將軍成都王穎征西大將軍河間王顥常山王乂豫州
刺史李毅兗州刺史王彥南中郎將新野公歆皆舉兵應之衆數
十萬倫遣其將閭和出伊關張泓孫輔出嶧坂以距問孫會士猗

許超出黃橋以距穎及穎將趙驤石超戰於淩水會等大敗棄軍走夏四月罔將何昺等擊張泓於陽翟大破之斬孫輔等

晉書趙王倫傳倫僭卽帝位以孫秀爲侍中中書監驃騎將軍儀同三司張林等諸黨皆登卿將並列大封其餘同謀者咸超階越次不可勝紀至於奴卒廝役亦加以爵位每朝會貂蟬盈坐時人爲之諺曰貂不足狗尾續而以苟且之惠取悅人情府庫之儲不充於賜金銀冶鑄不給於印故有白版之侯君子恥服其章百姓亦知其不終矣時齊王罔河間王顥成都王_昶並擁強兵各據一

方秀知問等必有異圖乃選親黨及倫故吏爲三王參佐及郡守
及三王起兵討倫檄至倫始大懼遣其中堅孫輔爲上將軍積弩
李嚴爲折衝將軍率兵七千自延壽關出征虜張泓左軍蔡璜前
軍閭和率九千人自罅坂關出鎮軍司馬雅揚威莫原等率八千
人自成臯關出東平王懋爲使持節衛將軍都督諸軍以距義師
馥虔率衆八千爲三軍繼援泓雅等連戰皆勝泓徑造陽翟又於
城南破齊王問輜重殺數千人遂據城保邸閣而問軍已在穎陰
去陽翟四十里問分軍渡穎攻泓等不利泓乘勝至於穎上夜臨

穎而陣間縱輕兵擊之諸軍不動而孫輔徐建軍夜亂徑歸洛自
首云齊王兵盛不可當泓等已沒倫大震祕之乃召虔及超還會
泓敗問露布至倫大喜復遣虔等而虔還已至度倉超還濟河將
士疑阻銳氣內挫泓等悉其諸軍濟穎進攻問營問出兵擊其別
率孫麾司馬譚孫輔皆破之士卒散歸洛陽泓等收衆還營

王彌之亂

晉書懷帝紀永嘉元年二月東萊人王彌起兵反三月庚辰東海
王越出鎮許昌彌寇青徐袁豫四州夏四月丁亥入許昌諸郡守

將皆奔走

石勒陷襄城

晉書載記石勒攻襄城太守崔曠於繁昌害之先是雍州流人王如侯脫嚴疑等起兵江淮間聞勒之來也懼遣衆一萬屯襄城以距勒擊敗之盡俘其衆

東魏來攻

北史魏紀大統四年二月東魏攻陷南汾潁豫廣四州

侯景之叛

北史魏紀大統十三年東魏勃海王高歡薨其司徒侯景據潁川

率河南六州內附

北史齊紀東魏武定五年正月丙午神武崩秘不發喪辛亥司徒侯景據河南反潁州刺史司

馬雲以城應之景誘勃海州刺史高元成襄州刺史李密廣州刺史暴顯等

七月侯景據豫州叛

北史東魏武定五年正月丙午勃海王高歡薨辛亥司徒侯景降

於西魏以求救西魏遣其將李弼王思政赴之思政等入據潁川

景乃出走豫州

北史周紀魏大統十三年正月東魏河南大行臺侯景舉河南六

州來附被圍於潁川

東魏遣司空軌率衆討之

六月魏遣開府李弼援之東

魏將韓軌等遁去景遂徙鎮豫州於是遣王思政據潁川弼引軍還七月侯景密圖附梁魏知其謀悉追還前後所配景將士懼遂叛

北史魏紀武定六年夏四月太尉高岳司徒韓軌大都督劉豐等討王思政於潁川七年五月戊寅勃海王高澄帥師赴潁川六月尅之獲西魏大將軍王思政等

北史周紀魏大統十四年東魏將高岳圍王思政於潁川十五年春遣大將軍趙貴帥師援王思政高岳堰洧水以灌城潁川以北

皆爲陂澤救兵不得至六月潁川陷

北史齊紀武定六年八月

魏紀作四月

使大行臺慕容紹宗與太尉高

岳大都督劉豐討王思政於潁川先是文襄

高澄

遣行臺尙書辛

術率諸將略江淮之北至是凡所獲二十三州七年五月戊寅文襄帥師自鄴赴潁川六月丙申克潁川擒西魏大將軍王思政以忠於所事釋而待之

安祿山之亂

唐書來瑱傳張鎬薦瑱能斷大事有禦侮才擢潁川太守充招討

使會母喪免安祿山反張垧薦之拜潁川太守賊攻潁川方積粟多瑱完埤自如手射賊皆應弦仆賊使降將畢思琛招之瑱父躍故將也拜城下泣且弔瑱不應前後俘殺甚衆賊懼目爲來嚼鐵以功加防禦使河南淮南游奕逐要招討使

唐書肅宗本紀至德一載十二月安祿山陷潁川執太守薛愿及長史龐堅

唐書肅宗本紀至德二載十一月丙子張鎬率四鎮伊西北庭行營兵馬使來瑱河南都知兵馬使嗣吳王祗克河南郡縣

吳少誠反

唐書德宗本紀貞元十五年三月甲寅彰義軍節度使吳少誠反

李希烈傳淮西節度使
陳仙奇爲吳少誠所殺

陷唐州守將張嘉瑜死之九月乙巳陳許

節度留後上官況及吳少誠戰於臨潁敗績十二月辛未渾瑊薨
諸道兵潰於小澗河

唐書吳少誠傳少誠間陳許無帥以兵攻臨潁戍將韋濤與賊通
留後上官況遣兵三千救之悉爲賊俘德宗怒削少誠官爵合十
六道兵進討于頔以襄陽兵禽其三將王宗以壽州兵破賊於時

師雖衆無統帥而宦人監軍顓進退互爲異見旣戰小澗河諸道師未交而潰棄輜仗不賫

詔諸道進討吳元濟

唐書吳少陽傳元和九年少陽死子元濟匿不發喪以病聞僞表請元濟主兵帝遣太醬往視卽陽言少愈不得見有董重質者少誠壻也勇悍久將善爲兵元濟倚之因說元濟請以精兵三千由壽之間道取揚州東約李師道以舟師襲潤州據之遣奇兵掩商鄧取嚴綬進守襄陽以搖東南則荆衡黔巫傳一矢可定五嶺非

朝廷所有又請輕兵五百自嶧嶺三日襲東都則天下騷動可以橫行元濟猶豫不能用其屬楊元卿者奏事在長安見宰相李吉甫具言淮西事且請蔡使在道者隨在所繫之少陽死四十日帝不爲輟朝易將會傳言重質殺元濟族其家吉甫因請爲少陽輟朝遣使弔賻而元濟不得命乃悉兵四出焚舞陽及葉掠襄城陽翟時許汝居人皆竄伏榛莽間剽係千餘里關東大恐弔使至弗克入而還乃詔烏重胤兼汝州刺史引軍壓其境寧州刺史曹華爲之副以戍襄城李光顏爲忠武軍節度使總兵臨屯析山南東

道詔節度使嚴綬爲申光蔡等州招撫使以中人崔潭峻監其軍
下詔奪元濟官爵趣諸道進討時大旱詔既下雨雲凡三日

唐書憲宗本紀元和十年三月庚子忠武軍節度使李光顏及吳
元濟戰於臨潁敗之十一月壬申李光顏烏重胤及吳元濟戰於
小潁河敗之

舊唐書李光進傳元和九年將討淮蔡十月遷光顏忠武軍節度
使檢校工部尙書徵天下兵環申蔡詔光顏以本軍獨當一面光
顏於是引兵臨潁水抗洄曲明年破元濟之師於時曲十一月又

與懷汝節度烏重胤同破元濟之衆於小澗河又遣田頴宋朝隱襲取小澗橋

唐書吳少陽傳光顏大破賊於時曲復與重胤合擊賊小澗河敗之夷其屯塹十一年諸軍大合賊帥張伯良以兵二萬與光顏戰於郟城大敗獲馬千匹甲三萬首伯良奔還蔡曹華取青陵城斷郟歸路賊將鄧懷金懼卽送款光顏受之

舊唐書王沛傳吳元濟反李光顏受命攻討奇沛節概署行營兵馬使別統勁兵屯於近郊及軍合連破蔡寇頴詔進軍諸軍觀望

無敢先渡潞河沛率兵五千夜渡潞河合流口徑扼賊喉而成城
自是河陽宣武太原魏博等軍繼渡掎角進攻郟城沛先結壘與
賊對賊將鄧懷金率衆面縛而降

舊唐書劉沔傳元和末李光顏討吳元濟常用沔爲前鋒蔡將有
董重質者守洄曲其部下乘騾號騾子軍最爲勁悍沔驍銳善騎
射每與騾子軍接戰必冒刃陷堅俘馘面還故忠武一軍破賊第
一舊唐書烏重胤傳自王師討淮西三年重胤與李光顏掎角相
應大小百餘戰至元濟誅先是蔡將有李端者過潞河降重胤其

妻爲賊束縛於樹鬻食至死將絕猶呼其夫曰善事烏僕射其得人心如此

黃巢之亂忠武軍將篡殺相承

唐書黃巢傳咸通末仍歲饑盜興河南乾符二年濮名賊王仙芝亂長垣有衆三千殘曹濮二州俘萬人勢遂張仙芝妄號大將軍其票帥尙君長等十餘輩所在肆掠而巢喜亂卽與羣從八人募衆數千人以應仙芝轉寇河南十五州衆遂數萬

唐書僖宗本紀廣明元年九月忠武軍將周岌殺其節度使薛能

牙將秦宗權自稱權知蔡州事

唐書黃巢傳前此已詔天下兵屯潞水禁賊北走於是徐兵三千道許其帥薛能館徐衆城中許人驚謂見襲部將周岌自潞水還殺能自稱留後徐軍聞亂亦引歸

又巢使孟楷攻蔡州節度使秦宗權迎戰大敗卽臣賊與連和楷擊陳州敗死巢自圍之略鄧許孟洛東入徐竟數十州人大饑倚死牆塹賊俘以食日數千人乃辨列百巨碓糜骨皮於白并啖之又巢遣宗權攻許州未克於是糧竭木皮草根皆盡

唐書僖宗本紀中和四年九月山南西道節度使鹿晏弘反十一月陷許州殺節度使周岌自稱留後

又光啓二年七月秦宗權陷許州忠武軍節度使鹿晏弘死之

唐書秦宗權傳巢死宗權張甚嘯會逋殘有吞噬四海意乃遣人四出略地麕駭雉伏至千里無舍烟然無霸王計惟亂是恃兵出未始轉糧指鄉聚曰啖其人可飽吾衆僖宗假朱全忠都統節以討賊師未及出宗權急攻許鄭等州取之

五代梁紀自黃巢死秦宗權稱帝陷陝洛懷孟唐許汝鄭諸州

唐書昭宗本紀文德元年十一月秦宗權陷許州執忠武軍節度使王縝辛酉奉國軍將申叢執秦宗權

唐書秦宗權傳宗權悉軍十五萬列三十六屯逼汴全忠懼求救於兗鄆兗鄆整兵合擊大敗之宗權忿過鄭焚郛舍驅民入淮西全忠遂有鄭許河陽東都於是合諸鎮兵會上蔡分爲五軍入其地宗權壁上蔡以扼險要全忠拔其壁遂圍蔡州宗權退守中州未能下全忠使大將胡元琮圍之身自還汴宗權聞許無備襲取其州執守將元琮引兵復收許宗權還爲愛將申叢所囚折一足

以待命全忠以檻車上送京師斬獨柳下

合流羣盜

大清一統志宋李重貴河陽人太祖時臨穎合流鎮將鎮有羣盜以其尙少謀夜入劫鈔重貴知之卽築柵課民習射盜聞之潰去

金人渝盟

宋史高宗本紀紹興十年六月壬辰岳飛遣統制張憲擊金將韓常於穎昌府敗之復穎昌七月己酉岳飛及兀朮戰於郟城縣敗之甲寅岳飛遣統制楊再興王蘭等擊金人於小商橋皆戰死乙

卯金人攻潁昌岳飛遣將王貴姚政合兵力戰敗之壬戌飛以累奉詔班師遂自鄆城還金人追之不及潁昌蔡鄭諸州皆復爲金有

宋史岳飛傳十年金人攻拱亳劉錡告急令飛馳援飛遣張憲姚政赴之帝賜札曰設施之方一以委卿朕不遙度飛乃遣王貴牛臯董先楊再興孟邦傑李寶等分布經略西京汝鄭潁昌陳曹光蔡諸郡又命梁興渡河糾合忠義社取河東北州縣又遣兵東援劉錡西援郭浩自以其軍長驅以闚中原將發密奏言先正國本

以安人心然後不常厥居以示無忘復讎之意帝得奏大褒其忠授少保河南北諸路招討使未幾所遣諸將相繼奏捷大軍在組昌諸將分道出戰飛自以輕騎駐郾城兵勢甚銳兀朮大懼會龍虎大王議以爲諸將易與獨飛不可當欲誘致其師併力一戰中外聞之大懼詔飛審處自固飛曰金人伎窮矣乃日出挑戰且罵之兀朮怒合龍虎大王蓋天大王與韓常之兵逼郾城飛遣子雲領騎直貫其陣戒之曰不勝先斬汝麀戰數十合賊屍布野初兀朮有勁軍皆重鎧貫以韋索三人爲聯號拐子馬官軍不能當是

役也以萬五千騎來飛戒步卒以麻札刀入陣勿仰視第斫馬足
拐子馬相連一馬仆二馬不能行官軍奮擊遂大敗之兀朮大慟
曰自海上起兵皆以此勝今已矣兀朮益兵來部將王貴以五十
騎覘敵遇之奮斬其將飛時出視戰地望見黃塵蔽天自以四十
騎突戰敗之方郾城再捷飛謂雲曰賊屢敗必還攻潁昌汝宜速
援王貴旣而兀朮果至貴將遊弈雲將背寇戰於城西雲以騎兵
八百挺前決戰步軍張左右翼繼之殺兀朮壻夏金吾副統軍粘
罕索孛堇兀朮遁去飛進軍朱仙鎮距汴京四十五里與兀朮

對壘而陣遣驍將以背寇軍五百奮擊大破之兀朮遁還汴京
先是飛遣梁興等布德意招結兩河豪傑山砦韋銓等歛兵固堡
以待王師李通等舉衆來歸金人動息山川險要一時皆得其實
盡磁相開德澤潞晉絳汾隰之境皆期日興兵與官軍會其所揭
旗以岳爲號父老百姓爭挽車牽牛載糗糧以餽義軍頂盆焚香
迎候者充滿道路自燕以南金號令不行金帥烏陵思謀統制王
鎮統領崔慶將官李覲崔虎葉旺等皆率所部降以至禁衛龍虎
大王下忤查千戶高勇之屬皆密受飛旗勝將軍韓常欲以五萬

衆內附飛大喜語其下曰直抵黃龍府與諸君痛飲耳方指日渡河而檜欲畫淮以北棄之諷臺臣請班師飛奏金人銳氣沮喪盡棄輜重疾走渡河豪向風傑士卒用命時不再來機難輕失檜知飛志銳不可回乃先請張俊楊沂中等歸而後言飛孤軍不可久留乞令班師一日奉十二金字牌飛憤惋泣下東向再拜曰十年之力廢於一旦飛班師民遮馬痛哭訴曰我等戴香盆運糧草以迎官軍金人悉知之相公去我輩無噍類矣飛以悲泣取詔示之曰吾不得擅留哭聲震野飛留五日以待其徒從而南者如市亟

奏以漢上六郡間田處之

周禮曰飛甫班師河南遂破是固天之所以限南北也或以飛卽被詔違而前進竟復舊物以功贖罪不亦可乎曰違而前進則是有跋扈不臣之心况十二金牌一日迭至雖功蓋天下罪亦難贖君子其肯蒙首惡之名哉

豐林曰溯自金人南侵中原淪沒十有餘年矣岳軍之捷已有死灰復然之勢而南渡君臣偷安旦夕置中原於不顧也志存恢復者宗澤已死李綱久廢張浚又遠竄嶺表中天之柱惟岳飛與韓

世忠耳姦檜將置世忠於閒散且以飛終梗和議必殺之以謝金人此南渡所以不振也

留屯宋軍

金史哀宗本紀正大七年五月詔釋清口宋敗軍三千人願留者五百人以屯許州餘悉縱遣之

元兵攻下諸州

元史太宗本紀四年正月丁酉又雪次新鄭是日圖類及金師戰於鈞州之三峯大敗之獲金將布哈戊戌帝至三峯壬寅攻鈞州

克之獲金將哈達遂下商虢嵩汝陝洛許鄭陳亳潁壽睢永等州
紅巾妖賊之亂

元史順帝本紀至正十一年五月辛亥潁州妖人劉福通爲亂以
紅巾爲號陷潁州初欒城人韓山童祖父以白蓮會燒香惑衆謫
徙廣平永平縣至山童倡言天下大亂彌勒佛下生河南及江淮
愚民皆翕然信之福通與杜遵道羅文素盛文郁王顯忠韓咬兒
復鼓妖言謂山童實宋徽宗八世孫當爲中國主福通等殺白馬
黑牛誓告天地欲同起兵爲亂事覺縣官捕之急福通遂反山童

就擒其妻楊氏其子韓林兒逃之武安壬申命同知樞密院事禿
赤以兵討劉福通六月劉福通據朱臯攻破羅山眞陽確山遂犯
武陽葉縣等處九月壬子命御史大夫也先帖木兒知樞密院事
及衛王寬徹哥總率大軍出征河南妖寇是月劉福通陷汝寧府
及息縣光州衆至十萬命知樞密院老章以兵同也先帖木兒討
河南妖寇十二月也先帖木兒復上蔡縣擒韓咬兒等至京師誅
之十二年五月庚辰監察御史徹徹帖木兒等言河南諸處羣盜
輒引亡宋故號以爲口實宜以瀛國公子和尙趙完普及親屬徙

沙州安置禁勿與人交通從之十四年四月發陝西軍討河南賊
給鈔令自備鞍馬軍器合二萬五千人馬七千五百匹五月命答
失八都魯以兵赴汝寧十一月答失八都魯復苗軍所據鄭均許
三州十五年閏月命河南行省參知政事塔失帖木兒領元管陝
西軍馬守禦河南二月劉福通等立韓林兒爲皇帝號小明王建
都亳州國號宋十二月塔失八都魯大敗劉福通於太康十六年
十月河南陷十七年二月以征河南許亳太康嵩汝大捷詔赦天
下四月監察御史五十九疏內有云武備莫重於兵而養兵莫先

於食今朝廷撥降鈔錠措置農具命總兵官於河南克復州郡且耕且戰甚合寓兵於農之意爲今之計權命總兵官從宜於軍官府選委能撫字軍民者兼路府州縣之職務要農事有成軍民得所則擾民之害益除而匱乏之憂亦釋矣帝嘉納之六月監察御史脫脫穆而言去歲河南之賊窺伺河北惟河南與山東互相策應爲害尤大爲今之計中書當遴選能將就太不花答失八都魯阿魯三處軍馬內擇其精銳以守河北進可以制河南之侵退可以攻山東之寇庶幾無虞從之十八年春正月詔答失八都魯子

孛羅帖木兒爲河南行省平章政事總領其父兄管軍馬十九年八月詔以察罕帖木兒爲河南行省平章政事兼同知河南行樞密院事二十一年十月察罕帖木兒調參知政事陳秉直劉珪等守禦河南二十八年二月大明兵至河南李思齊張良弼等解兵西還大明兵取河南

豐林按紅巾妖賊起於汝潁之間一時蹂躪徧於宇內河南行省實當南北要衝兵戈之往還歲時之災害天下郡縣日削民生日

蹙臨緝彈丸之地淪沒蓋久矣迨及明初始稱大定史傳雖無明

文而臨穎四面受敵其禍當更烈於他郡縣也考其時地特詳錄焉

河南羣盜

通鑑綱目明武宗正德五年冬十月霸州降盜劉六

名龍霸州文安人

劉

七名宸龍之弟叛劉六劉七並驍悍善騎射與楊虎齊彥名等從有司

捕盜及叛聚眾剽掠執文安諸生趙鏖

亦曰風子

入其黨俱為盜魁明

年賊眾益多遂分為二劉六劉七齊彥名等乃轉掠山東

自山東河南至

湖廣江西仍由故道復抵霸州復走山東楊虎趙鏖等擾河南縱橫數千里殘破州縣

以百數詔以惠安伯張偉

昭皇后之曾孫

都御史馬中錫

字天錫故城人

帥京

營銳卒往討中錫書生不習兵事偉統袴子畏怯不敢戰遂議招撫賊終不降於是廷臣交章劾偉中錫玩寇召還下獄論死而賊橫愈甚

通鑑綱目正德七年夏閏五月都御史彭澤

字濟蘭州人物

咸寧伯仇鉞

討平河南賊先是賊渠楊虎溺死宿州餘衆悉奔河南推劉惠爲首稱奉天征討大元帥趙鏐副之分其衆十三萬爲二十八營以

牽制官軍

緣於軍盜中稍約計官吏爾備毋走避迎者安堵由是黨無

行中原勢出劉六等上雷攻均州以馬文升家在舍之去及入泌
陽煖焦芳家掘其先塚芳遠匿賊東草爲芳像寸裂之曰吾爲天

下賊 此朝議以畿輔山東賊委陸完而命澤與鉞專辦河南賊時參

將馮禎戰死賊方張及聞澤等且至素憚威名奔迸四出永順宣

慰彭明輔敗之潁州諸將神周時源等又敗之光山湖廣軍亦敗

其別部於羅田賊沿途潰散分其衆爲二惠北走商城鎡南出潁

州澤與鉞定計使周追鎡源追惠連戰皆捷鎡轉至應山衆略盡

雍髮懷度牒潛至江夏爲軍校所執送京師伏誅惠追及於南召

官軍射中其目自縊死餘黨先後勦捕悉平

舊志樊繼祖傳正德初知臨潁縣事時盜起築城捍禦民賴以安
明季流賊

通鑑綱目崇禎六年十一月賊渡河陷澠池諸縣分掠南陽汝寧
遂犯湖廣所在告急賊始起陝西高迎祥最強李自成屬焉及渡
河自成始別爲一軍七年春正月以陳奇瑜總督河南山陝川湖
軍務討流賊

舊志張任傳崇禎七年知臨潁縣事時流寇犯境乃募勇壯嚴守
備多設方略城賴以完

明史流賊傳朝廷命豫楚晉蜀兵四道入陝迎祥自成遂竄入終南山已而東出陷陝州靈寶汜水滎陽聞左良玉將至移壁梅山溱水間部賊拔下蔡燒汝寧郟乃命洪承疇出關與山東巡撫朱大典并力擊賊八年正月賊大會於滎陽老獍曹操革裏眼左金王改世王射塌天橫天王混十萬過天皇九條龍順天王及迎祥獻忠共十三家七十二營議拒敵未決自成進曰一夫猶奮況十萬衆乎官兵無能爲也宜分兵定所向利鈍聽之天皆曰善乃議革裏眼左金王當川湖兵橫天王混十萬當陝兵曹操過天星

扼河上迎祥獻忠及自成等略東方老獯獯九條龍往來策應陝
兵銳益以射塌天改世王所破城邑子女玉帛惟均衆如自成言
舊志崇禎十三年秋盜起時有袁老山一條龍等自襄潁界擁衆
殺掠所過村落爲墟至十月攻臨潁知縣倫之楷率生員姚允祥
等分牒守禦伺賊怠潛令千總杜良棟等開門掩擊之賊遂潰城
賴以全

豐林按通鑑綱目初陳奇瑜巡撫延綏分遣諸將擒斬賊渠金翅

鵬一條龍等諸頭目凡一百七十餘人

明史陳奇瑜傳五年陞右
僉都御史代張福臻巡撫

延設六年時五月盜神一魁不沾泥等已殲而餘山黨猶聚盜匪大金民多從

黑殺神人常懷德斬王馬參飛都司賀思賢斬王奎槐巡撫羅聖

楚斬馬紅狼滿天飛參政張伯鯨斬青背狼穿山甲老將軍二將

閩士衡斬張聰樊登科計策一塊鐵背黃參鱗潛飛守備

軍滿天星上山虎把總白士祥將就地虎守備郭金斌斬地

括天飛守備郭太斬跳山虎新來將就地虎守備郭金斌斬地

雲襄助新寶總管通上天小紅獨尾狼諸渠魁百七十七人及其黨千有

奇 又流賊傳自成攻汴七晝夜解去屠密縣城賊魁羅汝才土寇

袁時中皆歸自成時中衆二十萬號小袁營汝才與曹操獻忠同

降復叛者也自成至是勢大盛陝西總督傅宗龍保定總督楊文

重修臨穎縣志

卷十三

兵戈志

四十五

河南商參印局所刷印

岳率虎大威軍并河南大將李國奇賀人龍兵俱至新蔡與自成
遇諸將卒先奔文岳兵潰奔陳州宗龍與賊持數日被執死自成
遂陷葉縣圍郟城攻襄城破南陽鄧州十四城再圍開封當是之
時臨穎以彈丸之地而不及淪沒者知縣倫之楛力也舊志所引
袁老山當卽袁時中一條蓋九龍條龍也

舊志崇禎十四年七月土寇竊發知縣倫之楛擊敗之時土寇吳
來慶吳自蘭等潛謀破城覺而捕之逸乃遣捕官張光裕千總杜
良棟率鄉兵追至黃連城擊斬二百餘人餘黨潰散

舊志十二月二十八日總兵左良玉縱兵屠城時穎無印官攝篆雷某老而瞶不能辨賊賊遣僞吏入據之衆倉皇有不及逃避者左軍忽自郟城來至城下礮傷其二校良玉大怒攻之急城中縛僞吏以獻怒猶不解縱兵殺戮幾無子遺

舊志十五年土寇王對樓等犯境署縣事許允芳謀於生員姚允祥協力剿除之

舊志清順治二年秋七月軍門羅公率兵過境時劉洪起猶據西平往擒斬之其地悉定

咸豐之初粵匪

逆即髮

之亂皖匪

匪即捻

與土匪蠶起

三年六月粵匪入境城不易守縣令遷民於外以避賊鋒

或云粵匪初起

尙不殺人過臨穎時奪城而入居兩日乃南去知縣避賊於外竄未以失守報聞也

豫軍紀略其未渡河之賊回旋鞏汜間於三年六月初五日竄擾

新鄭長葛至許州初六日攻城知州金梁禦之初七日南陽鎮總

兵柏山敗之於八里橋賊由臨穎南竄

七年四月土匪入境

豫軍紀略裕州土匪李汰春復糾另股匪首李中顯王二黨等數

百人窩聚角子山煽惑饑民勾結散勇時於近村訛搶四月由葉縣舞陽至禹州神垕鎮架人勒贖知州程佶會襄城營都司瑞林帶兵馳剿匪竄汝州知州程廷鏡率郟縣寶豐兵勇截剿匪由確山西平擾及郟城初止數百人及至臨潁東三家店沿途裹脅衆已二千賊馬百餘復由臨潁竄許州之小繁城放火縱掠知州金梁禦之勇役潰散五月初一日程金陞金寶符率勇追及與金梁會議初二日戰於繁城椹澗之間殲賊匪數十餘衆敗退

九年春冬皖匪入境時縣民已築砦避賊

豫軍紀略皖匪孫葵心劉天福等大股由睢州竄擾開陳諸縣二月十九日南陽鎮總兵邱聯恩追至太康斃賊七八百擒匪目王林等太康知縣延豫復敗賊於楊廟賊竄沙窩呂潭是日通許扶溝西華臨潁均有賊馬遊駛二十一日聯恩敗賊於西華二十五日聯恩追賊至北舞渡日暮風霾與山西參將福瑞俱遇害敗軍退入許州人心震動十月初八日黑龍江副都統關保抵許州繁城鎮十一日姜太林各捻擁衆至臨潁北關關保與河北鎮總兵崇安督戰會巡撫瑛棨遣知府李徵松軍亦至合擊賊於徐莊鋪

土橋集追至軒莊大破之是役也擒斬無算并獲孫逆葵心之姪孫套斬以徇惟山東撫標右營經制外委潘清戰亡於陣

十年三月皖匪入境

豫軍紀略亳東捻首王懷義劉天福孫葵心等分道西竄參將黃得魁守備李殿甲合兵逐之進至陳留會總兵承會大隊縱橫夾擊賊奔蘭儀由考城折而西旁趨禹密二月三十日黃得魁追賊於禹境之白沙敗諸菱角砦賊走小郭千總任治國掩入殺賊千餘乘勝追至許州再戰黃得魁身受重創裹血力戰遂大勝之賊

乃東竄

臨穎成嚴賊
騎見於郊

十一年皖匪入境

豫軍紀略十一年春正月亳匪姜太林糾合董朝選王懷義等衆三萬竄豫境苗沛霖在三河尖往流集諸處築砦抽釐孫葵心一股由六安回竄光州是時汝甯有陳大喜等土匪歸德有金樓等處教匪又有山東長槍會匪及粵匪四眼狗玉即等縱橫蹂躪來去無常上方以羣盜如毛剿辦棘手諭各路統兵大臣曰皖省捻匪滋事以來疊經官軍剿辦斬馘甚多而此剿彼竄蔓延東豫愈

聚愈衆本應悉數殲除以彰撻伐惟念此中良莠不齊其被匪裹脅並非甘心從賊者正復不少若概行剿辦恐人數衆多久煩兵力且捻爲粵逆前導抗拒官兵身罹鋒鏑而粵逆則坐享其利其愚亦屬可憫著袁甲三穆騰阿鄭魁士毛昶熙嚴樹森於皖豫境內剴切曉諭解散脅從有能悔罪輸誠自拔來歸者概予免戮其中如有才具可用者並酌予錄用如李世忠屢立戰功亦可渥膺懋賞倘始終抗拒執迷不悟惟有嚴行剿洗亦不能任其猖獗云時捻氛正惡姜太林等大股由歸德趨朱仙鎮犯省城尉氏洧川

中牟省城戒嚴二月初一日攻長葛知縣金緘三擊走之由洧川
竄許州初二日知州葉世槐擊走之擒賊張黑等賊奔臨潁知縣
查以謙敗賊於大石橋初三日由潁橋入襄城犯南陽諸州縣三
月初十日總兵成景敗賊裕州賊分兩股一由北舞渡東回皖境
一由襄鄆入臨潁知縣查以謙會同成景擊走之賊奔鄆陵扶溝
攻太康知縣任愷與成景保英等併力擊敗之賊遂東竄其王懷
義一股自八月竄回亳巢復糾捻首孫老威等於十月初由陳州
一帶犯汝寧許南陽諸郡縣十一月折竄泌舞掠裕葉襄城臨潁

時值風雪大作乃由郟城東趨

同治元年皖匪入境

豫軍紀略今上御極之初中州軍事方亟正月亭捻張樂行遣匪黨劉大老淵劉二老淵蘇添福王懷義孫繼先李加英趙浩然楊興太蘇立楞眼李大箇蘇天祥李五孫四瞎子龔燿等率悍賊數萬糾山東長槍會匪王廣奇等同時出竄由歸開陳汝等郡竄擾河汝爲官軍所敗四月十三日由襄城竄臨潁兩次攻城皆爲知縣查以謙擊退賊走許州楊飛熊巴揚阿等跟蹤至會同知州陳

肇鏞拚之多所擒斬賊向鄢陵西華東趨

豫軍紀略亳捻姜太林孫四牙王懷義周化臨韓老萬張小明等率黃旗藍旗紅邊白旗黃邊白旗黃邊藍旗各股由歸陳七月二十三日至鄆城時僧營營總恆齡侍衛卓明阿等精兵追及賊於是分兩股一竄西平恆齡等躡其後一竄許州二十七日圍州城知州陳肇鏞會楊飛熊擊走之賊竄入禹邨西犯河陝九月二十三日賊竄臨潁之五里河掠城下會楊長春盧得勝陳祿興等軍齊集知縣查以謙率練勇共敗賊於瓦店擒老捻張玉等追斬馬

步六七百人賊竄西華

二年皖匪入境

豫軍紀略時僧忠親王已擒斬張樂行等姜太林已投降而樂行之姪張縱愚號曰小閻王尙據毫巢毛昶熙遣將力圖進取僧營大軍且至張縱愚不自安苗逆沛霖復嗾之使犯豫境於是張縱愚程二老坎李庫諸賊率黨數萬由鹿邑一路疾走七月二十一日二等日犯太康鄆陵直竄臨潁毛昶熙遣孫之友永奎敖天印等軍取道截擊張之萬遣張曜李世玉彭心友各軍扼其西竄二十

八日張曜會孫之友諸軍敗賊鄆陵三十日敗賊許州賊分兩路
張縱愚走禹州程二老坎走襄城苗黨葛小牛一股亦於七月竄
入豫境由西華逍遙集趨入臨潁八月十二日襲破民寨數處

店瓦

南江楊城
石佛等寨

遂南竄郟城又復折回臨潁圍攻縣城知縣查以謙

用大礮却之十七日孫之友李世玉擊賊於潁西大石橋賊由茨
溝竄入襄城

四年皖匪入境

豫軍紀略總軍陳國瑞率勁旅乘風雪敗張縱愚等於石固驛郭

店追至尉氏賊復南竄爲別軍所擊正月二十一日賊由臨潁鄆
城掠西華張曜宋慶等軍躡擊之二月二十四日陳國瑞敗賊於
確山殲其長髮老賊二千餘得馬三百匹賊由遂平西平北犯二
十六日至鄆城二十九日圍扶溝賊竊據於臨潁之郊六月十五日張縱愚
等至許州之五女店臨潁之張潘鎮大石橋爲張曜宋慶蔣希夷
諸軍追剿賊奔襄郟時賴汝光一股由皖入陳爲官軍所擊遂走
西華扶溝臨潁掠許州之秋湖栗園與陳國瑞遇戰於新店集賊

潰向舞陽

時潁汝光任柱張龍愚牛老紅合設潁州沒於通許尉氏洧川新鄭長葛許州鄆陵西華扶溝鄆城諸境臨潁

見之鄭時
賊騎

十月賊至許州吳昌壽所督各軍分遣四出僅存善慶馬
隊百餘出城邀擊戰於八里橋防禦奇珍沒於陣至是賊復分股
張縱愚由襄城掠舞陽賴汝光由臨潁奔偃城十二月賊由皖豫
被創入楚豫軍馬德昭宋慶蔣希夷等軍分路追之

五年皖匪入境

豫軍紀略五年正月巡撫吳昌壽慮賊折回豫境親督副都統安
住馬隊一千總兵保英步隊二千由許州取道臨潁郟城進抵西
平會剿宋慶蔣希夷敗賊遂平賊由舞陽郟城竄擾禹州新鄭

類臨

戒嚴賊騎見於郊

六月賴汝光任柱等竄繞睢州知州劉廷柏敗之至杞

縣知縣查以謙敗之山東臬司潘鼎新軍至又敗之竄陳留爲總

兵余承恩所擊提督劉銘傳軍亦至賊遂南竄七月由新禹密長

趨許州盤踞於禹城賀張諸村擾及襄城之潁橋方窟茨溝臨潁

之三星店馬德昭軍至擒斬有差提督周盛傳軍亦至許州賊由

臨潁郟城竄回沙河尋至中牟尉氏與張縱愚牛老紅合股八月

張牛一股竄至許州爲江蘇臬司劉秉璋軍擊敗賊入襄邾

臨潁戒嚴

賊騎見於郊

六年皖匪入境

豫軍紀略五月賊逼許州

臨穎戒嚴賊騎見於郊

時嵩武軍新成巡撫李鶴

年率張曜軍於八里橋賊隊大至一戰卽追殺數十里至於額橋石固驛諸處擒其悍目林慶禧胡幅禧李貴如李順子等皆斬之是日大風揚塵陰霾晝晦嵩武新軍及鋒初試列陣嚴整士百其

勇州民於城上皆額手忭躍以爲十餘年來未見如此之軍容也豐林曰自咸豐三年粵匪犯境此後寇盜蠡起燒殘殺掠飄忽去來十餘年間賊無歲不數數至民之流離顛沛十室九空其禍不

可勝言矣父老述及同治二年八月賊破瓦店南江石佛楊裴城等砦事猶流涕也計前後死於刀兵水火者不下數十萬人直至七年河北肅清始蘇民困嗚呼歷大劫而慘紅羊螻蟻與王侯同命掃浮雲乃昭赤日麒麟并竹帛銘勳國運中興天心歆亂四紀回首萬感俱來